



## Publicaziuns dalla vischnaunca, jamna 50

### Damonda da baghegiar

**2015-1045.000**

**Datum dalla publicaziun: ils 11 da december 2015**

Il patron: Sut Gliendas SA, c/o Durschei Fiduziaria SA, Via Alpsu 8, 7180 Disentis/Mustér  
Il representant: aluis huonder architect fh sia sa, Via da Scola 18, 7180 Disentis/Mustér  
Object: Construcziun d'ina surbaghegiada da pliras casas cun habitaziuns per giuven e vegl, parcella 3933 (2324) a Sogn Gions, 7180 Disentis/Mustér.

- Ils plans da construcziun ein deponi tier l'administraziun communal.
- L'investa publica cuoza 20 dis dapi il datum dalla publicaziun.
- Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér.

La protesta sto esser motivada e suttascretta dil recurrent ni da siu representant.

Disentis/Mustér, ils 9 da december 2015  
*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **venderdis, ils 11 da december 2015**, allas 19.00 en l'anteriura casa da scola a Segnas.

Tractandas:

1. Center da sport e cultura: Informaziun entras il niev meinafatschenta Herbert Schmelzer
2. Avertura dil quartier per indigens Caschuarz II: Credit (messadi nr. 36-2013/2016)
3. Agenda 2016
4. Ura da damondas (conform ad art. 44 dil regulativ da fatschentas)
5. Elecziuns:
  - 5.1 dil president ni dalla presidenta dil cussegl da vischnaunca per 2016
  - 5.2 dil vicepresidente ni dalla vicepresidente dil cussegl da vischnaunca per 2016

*Il president dil cussegl da vischnaunca*

---

### Clom da quens

Il quen communal vegn serraus giu cun ils 31 da december 2015. Per saver risguardar las expensas occurridas uonn el quen 2015 ei tut tgi che ha aunc da dar quen alla vischnaunca pigl onn current supplicaus da far quei entochen il pli tard ils **18 december 2015**. Nus supplichein tuttas firmas sco era tut ils officials dalla vischnaunca d'observar quei termin.

*Administraziun communal Disentis/Mustér*

---

### Center d'asilants a Mustér

**Invitaziun ad ina sera d'informaziun publica**

**Mesjamna, ils 16 da december 2015**, allas **20.15** ha liug en Sala Fontauna dil Center da sport e cultura ina sera d'orientaziun e discussiun publica en connex cul center d'asilants el Hostel Cucagna.

Cusseglie governativ dr. Christian Rathgeb ed il menader digl uffeci da migraziun e da dretg civil dil Grischnun, Marcel Suter vegnan ad informar davart il center d'asilants a Mustér. Ensemen cun Georg Carl, menader partiziu d'asil, vegnan els silsuenter a star a disposiziun per rispunder da-mondas.



Tuts interessai ein cordialmein envidai a quell'occurrenza d'informaziun.

*Suprastonza communal*

---

### Administraziun communal

Sur las fiastas da **Nadal** e **Daniev** ei l'administraziun communal **serrada** ils suandonts dis:

- **gievgia, ils 24 da december 2015**
- **venderdis, ils 25 da december 2015**
- **gievgia, ils 31 da december 2015**
- **venderdis, igl 1. da schaner 2016**

Nus giavischein ina biala fiasta da Nadal ed in bien onn 2016!

*Administraziun communal*

---

### Scaldaments mobils el liber

#### «Bulius da scaldar, radiaturs, radiaturs d'infratgietschen eav.»

Tenor art. 11, al. 2 dalla lescha cantunala d'energia en cumbinaziun cun art. 33 dall'ordinaziun cantunala d'energia ha il departament da construcziun, traffic e selvicultura dil Grischun relaschau suandonta disposiziun:

1. er mintga apparat da scaldar mobil – gas, electricitad ed ieli – che vegn duvraus el liber per intents commercials e che ha ina prestaziun da scaldar da maximalmein 14 kW sto vegnir cum pensau ina tonna CO<sub>2</sub>. Per apparats cun ina prestaziun da sur 14 kW e cun ina prestaziun da scaldar maximala da 28 kW sto vegnir cumpensau duas tonnas CO<sub>2</sub> e per apparats cun ina prestaziun da scaldar maximala da sur 28 kW sto vegnir cumpensau treis tonnas CO<sub>2</sub> eav. Silmeins 20 % dall'immissiun CO<sub>2</sub> sto vegnir cumpensada en Svizra. Per scaldaments en tenda valan las medemas pretensiuns sco pils scaldaments el liber.
2. Per mintga tonna che sto vegnir cumpensada sto vegnir taccau ina vignetta vid igl apparat da scaldar. Ina vignetta vala mintgamai in onn naven digl 1. Da settember entochen ils 31 d'uost. L'obligaziun da cumprar ina vignetta exista naven dall'emprema gada ch'igl apparat da scaldar mobil vegn mess en funcziun durant la perioda da scaldar respectiva.
3. La cumpensaziun dall'immissiun da CO<sub>2</sub> succeda entras il gestiunari ni entras la vischnaunca.
4. Sch'ils gestiunaris cumpenseschan sez l'immissiun da CO<sub>2</sub>, vegn la vignetta concedida gratuitamein entras la vischnaunca. La cumpensaziun sto vegnir cumprovada cun in certificat d'ina interpresa specialisada sil sector dalla cumpensaziun da CO<sub>2</sub> (p.ex. myclimate). Per apparats da scaldar electrici po l'obligaziun da cumpensar l'immissiun da CO<sub>2</sub> era vegnir ademplida, sch'ei vegn applicau – per mintga tonna CO<sub>2</sub> che sto vegnir cumpensada – cumprovadamein 4500 kWh d'electricitad ch'ei vegnida producida cun energias regenerablas.
5. Sch'ils gestiunaris cumpenseschan buca sez l'immissiun da CO<sub>2</sub>, ston els cumprar tier la vischnaunca ina vignetta per mintga tonna CO<sub>2</sub> che sto vegnir cumpensada. Il prezi per vignetta importa 60 francs.
6. Las vischnauncas impundan igl entir recav dalla vendita da vignettas per cumpensar l'immissiun da CO<sub>2</sub>. Igl uffeci d'energia e traffic metta a disposiziun in agid d'execuziun per las vischnauncas.
7. Per decretar sancziuns en cass da cuntravenziuns, en special incassar multas, ein las vischnauncas responsablas (art. 36 s. LEG).

Las vignettas san vegnir retratgas tier l'administraziun communal.

Disentis/Mustér, ils 15 da settember 2015  
*Suprastonza communal Disentis/Mustér*

---



### Trer candeilas e stiva da caffè

**Sonda, ils 12-12-2015, 16.00–22.00**  
**Dumengia, ils 13-12-2015, 11.00–18.00**

A Mompé-Medel en stalla tier Priska Müller ed Armin Manetsch.

*Nus selegrein sin vossa viseta*

---

### Kerzenziehen und Kaffeestube

**Samstag, 12.12.2015, 16–22 Uhr**  
**Sonntag, 13.12.2015, 11–22Uhr**

In Mompé-Medel im Stall von Priska Müller und Armin Manetsch.

*Wir freuen uns auf euren Besuch*

---

### Vischinadi Segnas/Mompé Tujetsch

**Invitaziun alla radunonza generala da gliendisdis, ils 14 da december 2015** allas 20.15 en la casa da scola Segnas

Tractandas

1. beinvegni
2. eelecziun dad in dumbravuschs
3. prelecziun ed approbaziun dil protocol
4. orientaziun president
5. rendaquen e rapport dils revisurs
6. program da lavur
7. fixar tschiens per diever zona
8. deliberaziun da damondas e propostas
9. varia

Cordialmein envida

*la suprastonza dil vischinadi Segnas/Mompé Tujetsch*

Suenter la radunonza dil vischinadi ha liug la radunonza dall'unioni Cascharia e Fuorn Segnas.  
Tractandas statutaricas.

Cordialmein envida *La suprastonza*

---

### Secziun da catschadurs Péz Alpetta

**Sonda, ils 12 da december**, allas 17.00 ha liug la messa da s. Hubertus en baselgia s. Gions.  
Suenter messa ei in e scadin cordialmein envidai ad in apéro en halla Cons. Naven dallas 19.15

ha liug per ils commembers dalla secziun da catschadurs Péz Alpetta la sera famigliara el Center sursilvan d'agricultura.

Cordialmein envida

*la suprastonza dalla secziun da catschadurs Péz Alpetta*

---



### Mams da Nadal per boxas da musica

**Sonda, ils 12 da december**, van giuvenils e scolarAs da Mustér e contuorn da casa tier casa e vendan mams da Nadal. Ils visitaders dil local da giuventetgna Cons fan ils mams a casa, silsuent vegnan tals pachetei communabel ed els van en gruppas pil vitg entuorn. Cun il recav da quella vendita giavischen els da cumprar novas boxas da musica per il local Cons nua ch'els sentaupan mintga venderdis sera per star da cumpignia. Nus sperein che Vus cumpries ils satgets e sustegnies aschia ils giuvenils.

Nus giavischein in bi temps d'advent e legreiblas fiastas da Nadal. Cun grond engraziament

*Giuventetgna Cadi ed ils guvenils dalla vischnaunca da Mustér e dalla vischnaunca da Medel.*

---

### Solver a caschun dil survetsch divin Rorate

**Mardis, ils 15 da december 2015**, celebrescha sur Georg la messa marveglia a Sogn Gions. Sco ils onns vargai porscha l'Uniun da dunnas Mustér silsuent in solver en halla Cons. Leutier ein affons e carschi cordialmein evidai. Sin ina gronda partiipaziun selegra

*la suprastonza dall'Uniun da dunnas e sias gidontras*

---

### Societad da musica Mustér e chor mischedau Sedrun

- **20.12.2015, 17.00:** Concert da Nadal en baselgia s. Gions, Mustér
- **26.12.2015, 20.00:** Concert da Nadal en baselgia s. Vigeli, Sedrun

Entrada libra, collecta

---

### Decoraziun d'advent a Segnas

La decoraziun el nuegl dil clavau sper via, ch'ei vegnida creada dils affons da Segnas, ei illuminada mintga sera, duront il temps d'advent, naven dallas 17.00 entochen allas 22.00. Cordiala invitaziun a pign e grond, dalunsch e damaneivel.

Nus selegrein sin Vossa viseta.

*Gruppa d'organisaziun, vischinadi Segnas/Mompé Tujetsch*

---